

東華續錄

同治朝

卷六十八之七十

續史

第六冊

江東華續錄六十八

王先謙敬編 臣張式恭恭校

二月辛巳朔諭軍機大臣等駱秉章奏請止關入邊境見籌剿辦一摺滇匪楊逆等股各率賊隊由東昇廠等處入鹽源並攻陷鹽井直撲衛城總兵劉寶國督兵馳剿因兵單受傷收隊固守經駱秉章飭令知府鍾昌勤就地添募勇丁千名以資攻剿惟川省東南北三面邊防尙緊該逆已輕關入其勢猖獗鹽源待援孔亟難保建南一帶人心不爲動搖白應厚集兵勇力遏逆氛著駱秉章迅令胡中和由南酌調楚勇撥派得力將弁統帶並於靖邊等營各撥勇丁馳赴建南會同該處文武兵練合力兜剿該督仍當嚴密緝拿實國等迅圖蕪事不得藉口餉絀兵單稽遲時日以致蔓延爲患將此由五百里諭令知之○壬午諭軍機大臣等裕祿在成奏撥兵退守口外要隘籌辦布置情形趙長齡奏擒匪竄入吉州抽兵堵剿各一摺陝省回捻時思竄越晉省各口擬於包頭河口駐兵防守而以察哈爾馬隊並續調官兵分撥防邊兼爲後路策應並請飭令左宗棠撥出一旅渡河入晉進趨河保所籌固屬周妥惟此時陝匪已由宜川搶越冰橋竄入吉州黃河業經失險晉省所屬地方在在均堪虞擾左宗棠督辦軍務日久未能蕪事反縱賊蹤東渡趙長齡陳湜毫無備禦致賊竄入晉疆實堪痛恨均著交部嚴加議處趙長齡見已帶兵出省著卽撤調各路兵勇相機扼要堵截並著陳湜督率所部迅由隰州一帶迎剿毋令蔓延他處左宗棠前奏有捻回如過河竄晉卽擬率軍先清晉省再行入秦並有令劉松山郭寶昌等軍追入晉省之議著該大臣一面撥兵渡河赴晉追剿一面相度機宜親督各軍入晉將此股賊匪就地殲除力贖前愆儻再因循玩忽任令蔓延四竄致誤大局自問當得何罪陝省回捻交乘左宗棠並與庫克吉泰喬松年劉典會籌剿辦迅圖殲滅毋再玩延晉省毗連直豫到處可通官文李鶴年務宜迅籌兵勇揀得力兵弁扼要嚴守毋任竄入邊境太原省城並著趙長齡飭令胡大任嚴密守禦陝捻既竄晉境難保沿邊一帶回逆不乘機由草地竄近薩托等處著裕祿等督飭馬陞各軍實力防堵毋稍疏虞將此由六百里加緊諭知官文左宗棠庫克吉泰裕祿桂成喬松年趙長齡李鶴年並傳諭劉典陳湜知之○諭成祿奏圍攻肅州被挫情形文麟奏肅州股匪竄撲玉門各一摺成祿剿辦肅州踞逆日久未下此次一經接仗卽損一武職大員不知平日布置者何在官軍失挫後賊勢愈張成祿若再不激發天良勉力進攻何時是滅賊出關之期著卽撤職各將士迅圖攻拔肅城毋得任意遲延致干重咎黃祖淦所部既交馬天祥管帶務當飭令該員認真整頓以作士氣肅城之賊成祿既稱移營扼紮三軍聲勢聯絡何以大股竄出關外若罔聞知具奏成祿已可概見見在雖經文

麟擊退而該逆紛竄靡常仍須時加戒備期免疎虞善文麟嚴飭文武員弁設法扼剿

逆竄何以保嚴疆安敦玉一

帶既形喫緊著將玉門應辦事宜妥籌布置即往安西勉圖兼顧哈密地方最關緊要仍著文麟將關內外辦理就緒迅赴

該城任事以資鎮撫將此由六百里各諭令知之○以賊竄吉州著左宗棠超長齡○子甘肅陣亡總兵官黃祖

淦等祭葬世職○癸未賞已革浙江處州鎮總兵官陳國瑞頭等侍衛發往山東軍營交巡撫丁寶楨差委○甲申諭軍機

大臣等前因棍噶札勒參奏厄魯特官兵礙難收作門徒因病請假請撥贖案等項厄魯特錢糧贖案請照舊章辦理贖願

難民情形各摺片等令原議王大臣妥議具奏茲據奏稱厄魯特官兵改為該喇嘛徒眾李雲麟原以棍噶札勒參善於撫

馭奏明辦理如果聽從驅使不難著有成效等語今昔情形不同因時制宜自可從權籌辦該喇嘛所請辭退門徒之處著

毋庸議兵丁鹽菜銀兩著該喇嘛與錦丕勒多爾濟榮全李雲麟明瑤即照該喇嘛所請在解到新疆餉銀內陸續補撥以資接

濟棍噶札勒參所稱夢性錢糧從前全賴賞給該官兵等方能度活見在牲畜失盡請照舊章辦理並以該人眾時有盜竊

等事若不著撫綏必激成禍各情朝廷見授李雲麟為布倫北海辦事大臣明瑤為幫辦大臣一切事宜均屬責無旁貸

著李雲麟明瑤會同棍噶札勒參悉心籌畫明定章程妥為辦理其中如實有窒礙之事著隨時據實具奏布倫托海見已

改設辦事大臣而該喇嘛又稱該官兵似有不願改作門徒之意應否仍照塔城舊制添設厄魯特官員兵丁抑或酌量變

通著麟興李雲麟等悉心研議以臻妥善至接濟牲畜一節能否酌令喀爾喀等旗附近蒙古部落量力捐輸或設法另行

籌給之處並著麟興李雲麟等酌量情形妥籌覆奏棍噶札勒參受恩甚重正宜及時圖報以副委任著麟興李雲麟傳諭

該喇嘛懷遵屢次諭旨力疾從公毋得稍涉推諉其所請賞假回籍之處著毋庸議原摺著鈔給閱看將此由六百里各諭

令知之○乙酉李鴻章奏官軍自離野○處剿賊獲勝後十一月十三日郭松林楊鼎勳乘勝向東南跟追行抵夏灣降任

逆營眾陳懷忠等馬賊千餘人十五日○或於膠州之鄭家寨兵至即逃沿途小有斬獲十七日黎明大霧賊知追軍四集

乘昏暗時繞兩城集山中回竄楊鼎勳郭松林亦回軍追截賊由東北沿海潰走十八日潘鼎新唐仁廉會追行抵諸膠交

界之劉午關賊猝相值倉皇亂竄唐仁廉一隊馳逐賊折由山內急走潘鼎新督軍追至丁家村是夜賊目王占鼐帶馬賊

二百餘人來降十九日潘鼎新繞出賊前二十日黎明追及於膠州之小南溝縱橫衝擊賊隊大亂官軍盡力掩殺斃賊甚

多餘逆且戰且走復追二十餘里殺斃賊五六十人天忽大霧唐仁廉冒霧前追馬步各逆併力回犯唐仁廉督同龍太

勝等橫衝賊隊鼎新趕上○殺斃偽王賴侍就及悍賊多名是夜賊目張向春趙林萬帶馬賊六百餘人步賊千餘人

來降分別遣留賊眾日夜由高密縣昌樂臨淄北趨二十四日劉銘傳郭松林楊鼎勳潘鼎新會集於安邱途次商定分路兜逐二十五日潘鼎新由濰昌轉任長山攔截西竄濟南之路劉銘傳郭松林等徑赴青州會剿而賊已西走二十八日賊竄新城縣境見我軍緊追不敢再行由海邊折回東竄壽光界內二十九日我軍自南而北偵賊於海濱洋河瀾河之交該逆無處逃走猝死抵戰逆首牛遂帶賊四五千人在碇帶步賊三千餘人賴汶洗李允各帶賊隊抵敵商定奎劉克仁猛力衝進牛逆先敗任逆經郭松林等乘勢壓下我軍馬隊徑鈐賊後該逆先棄步賊後棄老弱輜重再棄馬匹我軍由洋河追至瀾河僅贖馬賊數百名等而走共計生擒賊匪一萬餘人殺斃不可勝數屍橫四十餘里據擒賊供稱偽導王賴汶洗已下馬投水而死任柱之八任碗一犯死於瀾河東岸其牛逆及任柱之弟任三祿已否就擒未及確查覓在馬隊分路窮追當可剋期殲滅查汶洗等糾合悍黨竄入東境劉銘傳首倡合守運河併軍追剿之議卒能大獲奇捷逆首殲擒殆盡大股已就削平屬勞苦功高郭松林楊鼎勳忠勇耐戰迅速赴機均擬俟此股全數蕩平再懇恩施其尤爲出力之副都統善慶等謹先行開列懇恩給予獎敘其餘出力文武員弁兵勇及陣亡將士咨查明彙案分別奏請獎卹

上諭軍機大臣等覓在遼東馬賊數百逆勢已極窮蹙著李鴻章乘此機會檄飭各軍迅速進兵爲一鼓聚殲之計不可稍涉鬆動致令匪勢復振入成不了之局陝省賊匪勢甚猖獗見已由宜川竄入吉州晉省軍情甚形喫緊左宗棠所部各營未能兼顧朝廷殊深慮焉李鴻章務將東捻剋期殲滅以便騰出兵力鼓行而西將秦晉各匪協同剿洗靖謫氛本日御史游百川奏此次捻逆回竄青萊未得肆掠飢疲已甚其中被脅難民皆思自拔請飭乘此合力兜剿李鴻章見在但防運河東北黃防兵甚寥寥河冰堅凍賊如北竄恐東省軍務貽患非輕等語著李鴻章迅籌剿辦不可稍失戎機黃河防務並著妥爲布置以期有備無患將此由六百里諭令知之○諭左宗棠等奏官軍進剿宜君回匪疊獲大勝並分軍剿辦等處回巢情形各摺片此股回匪馬莊沅等圍陷米子營疊經劉鎬等以少擊眾首逆伏誅洵屬異常出力譚家溝等處回巢亦經高連陞等軍踏毀回壘疊受大創半回甘境事機尙爲順利第馬莊沅雖已伏誅而蘇萬沅郭阿潭等未盡殄除甘省無糧可採難保不棄隙回竄仍著左宗棠嚴飭各軍認真防剿毋稍鬆懈其由宜川竄入山西之匪亟應迅速殲辦毋任延蔓該省兵力單薄而地方富庶京師各餉尤賴以接濟該大臣身膺統帥自當衝鋒陷陣即著懷遠前督迅飭劉松山等軍馳赴山西迎頭截擊左宗棠亦即酌量情形督軍入晉就地殲除不准涉遲延庫克吉泰於何日出省書報年責任封圻亦當同心協力不得坐觀致誤事機庫左宗棠無庸此失彼之處將此由六百里諭令知之左宗棠庫克吉泰著於年

並傳諭劉典知之○丙戌諭軍機大臣等官文奏梟匪回竄西北飭軍扼剿並派春馬隊前赴西路各摺片梟匪由辛冠一帶竄回直隸之清豐南樂等處經楊毓相等督率弁勇疊擊獲勝該匪展轉奔逃復由隆平竄至甯晉勢將搶渡淖沱余承恩等見已繞至趙州舊官文即嚴飭該將領等迎頭探截毋任該匪北竄淖沱河水勢雖微仍當督飭地方官築圍守禦不得藉詞弛懈穆騰阿見駐德州匪已遠著即統帶所部西進迎探截擊以防賊由舊路東竄西路一帶空虛官文見令劉長佑移紮適中之地督飭各軍堵截並令春壽統帶所部馳往定州正定等處防剿惟春壽一軍人數無多分則力單官文當斟酌情形令其歸併一處以厚兵力而備迎截賊騎到疾奔突應常崇厚亦當籌布兵勇嚴扼東路據備截擊不可因距賊尚遠稍形疏懈賊匪由海豐回竄時僅餘二三百騎何以此次與官軍接仗又分三四股抗拒此非奏報不實即匪類裹脅愈多何日是滅賊之期該督等務當振刷精神迅將此股匪徒聚殲毋蹈因循粉飾之弊是為至要將此由六百里各諭令知之○諭昨因陝匪竄晉亟須派兵剿辦適李鴻章奏擒匪屢被官兵擊敗類逆伏誅餘孽無幾朝廷正擬調派東省得力之軍入晉助剿本日據侍郎毛昶熙奏稱陝擒擒渡黃河竄至山西吉州恐其直走太行漸達直隸邊界晉省兵力不敷堵禦請抽調宋慶程文炳兩軍屯紮太行東南兩面探蹤扼截並另片奏晉省與豫省河北三府毗連不可無兵扼守請飭李鴻章派得力將弁會同皖軍嚴防運河騰出張曜一軍移紮河北各等語所見通相摺合晉省為完善之區餉源所出且與畿輔毗連斷不可任賊蔓延山東賊已窮蹙李鴻章所部兵力甚厚足敷剿辦著即飭令宋慶程文炳各統所部由山東直隸起日西行入晉境後規賊所向與陝晉各軍會籌夾擊速殲賊氛東省捻勢雖蹙該大臣務當趁此機會迅圖殄盡此後搜捕餘匪安插降眾事事均關要見有宋慶程文炳兩軍入晉該大臣正可專心辦理東省軍務靡不至功虧一簣宋慶程文炳兩軍餉銀即著李鴻章年英統張兆棟照舊撥給如有不敷李鴻章亦當設法接濟運河防務緊要宋慶一軍既經調赴西路著李鴻章等即派得力將弁馳宋慶所防地段實力嚴防張曜一軍著即移紮河北李鴻章等亦當月派得力將弁填紮運防毋稍疏虞該大臣等素顧大局諒必通盤籌畫不至因宋慶等軍調赴山西而運防於不顧也應摺均著鈔給閱看將此由六百里諭知左宗棠李鴻章趙長齡英翰李鶴年並傳諭張兆棟知之○子陝西庫兵等案著分路追剿殄餘多名所贖不滿二百人該匪經即次懲創勢已窮蹙應一鼓作氣迅速殄除舊官文督辦等情著照所請力窮追剿將此股賊殄之○欽此○又據李鴻章奏稱各屬剿辦賊匪消涉漸絕致我匪乘間潛逃嚴令死灰復燃必應嚴密防範等情

重治罪已革總兵余承恩等不力復督之員此次督隊擊賊尙屬奮勉著與在事出力各員均行存記並著查明逆首姓名毋使倖逃顯戮本日據徐繼畲等奏明飭余承恩赴晉勸所部兵勇挑選精銳迅赴該省剿賊歸左宗棠調遣直隸剿匪正在喫緊未可衛榮梓尤應格外出力著官文飭令該員將所部兵勇挑選精銳迅赴該省剿賊歸左宗棠調遣直隸剿匪正在喫緊未可因抽調一軍稍涉疏懈官文等務當另調得力之兵馳赴前敵合力殺賊以竟全功將此由五百里各諭令知之○諭前因於逆竄過黃河後及晉疆屢經諭令左宗棠督兵入晉先顧大局茲據左宗棠奏捻逆渡河犯晉自請治罪並調馬德昭駐守通城昭訓典等剿辦陝回各摺片捻匪由吉州商賈河津蒲解一帶防務喫緊運城鹽庫爲餉源所自出左宗棠見調馬德昭一軍進紮通城若即徵令星夜拔營馳赴該處駐紮相機進剿並著李鴻年一體嚴催飭令刻日啟程不得稍延時日左宗棠等務當遵諭迅速入晉剿辦松山郭寶昌兩軍並著左宗棠督率給迅速催程來晉繞由東路兜剿而西與陝提臣邵會合夾擊陝西東省捻股殲除將蓋李鴻章兵力有餘已諭令該大臣等將程文炳宋慶兩軍由山東直隸赴晉助剿張曜一軍由山東移赴河北堵剿該將領等到晉豫後即著歸左宗棠調遣並著一面催提以厚兵力此次捻匪入晉該大臣竟未能立時得信日久始得消息朝廷焦盼已久前經吏部遵旨將該大臣嚴議革職已加恩改爲革職留任所請從重治罪之處著暫行寬免該大臣當思奮勉立功圖自贖愆再仍前貽誤寬典豈能再邀且該大臣由閩浙總督調任陝甘授爲欽差大臣督辦陝甘軍務倚任不爲不重若不振奮精神力求成效清夜自思何以自安陝省回匪未靖且續有由甘東犯大股該處軍務即著責成劉典高連陞與庫克吉泰喬松年會籌剿辦喬松年責任封圻亦當會商劉典等調度不得置身事外本日據前任太僕寺卿徐繼畲給事中白恩佑御史郭從矩等奏陳山西軍務布置機宜並請飭陳國瑞余承恩帶兵赴晉各摺已諭令官文飭余承恩統帶所部西行入晉矣陳國瑞前已有旨令赴山東歸丁寶楨差委見在東省軍務較鬆陳國瑞著改發山西交左宗棠差遣即著該員與宋慶程文炳合統兵勇赴晉與余承恩所部均歸左宗棠節制調遣徐繼畲白恩佑原摺均著鈔給左宗棠差遣閱看郭從矩原摺著鈔給左宗棠等閱看該京卿等所陳布置機宜並著左宗棠差遣長齡酌情形辦理將此由六百里諭知左宗棠庫克吉泰喬松年趙長齡李鶴年並傳諭劉典知之○諭劉嶽昭奏滇軍回援省城楚雄等處一摺迤西逆匪連陷祿豐廣通元謀等城勢甚披猖楚雄危急省城戒嚴岑毓英所部各軍已分投西進援應著劉嶽昭咨照宋廷壽一面將省城防守事宜妥籌布置以靖內患一面督飭各軍相機進剿迅將祿豐等城剋期攻拔毋稍延緩岑毓英見紮曲靖即著飭令確探賊情隨時策應不得遲延觀望坐失事機滇省軍務方殷

劉嶽昭身任滇撫務將黔西一帶賊匪迅圖掃蕩卽行入滇任事以副委任將此由六百里諭令知之○改派頭等侍衛陳國瑞前赴山西軍營交欽差大臣左宗棠差委○戊子諭軍機大臣等李鶴年奏遠覲張曜宋慶兩軍分紮山東東平戴廟等處見飭防守情形等語昨因晉省軍情緊要諭令李鴻章等飭令宋慶統帶所部由山東直隸赴晉協同剿匪張曜一軍移紮河北李鶴年此次所陳自未接奉前旨晉省軍情亟應添兵剿剿著李鶴年懷遵本月初七初八等日寄諭將張曜宋慶兩軍迅速調撥以赴戎機馬德昭一軍昨據左宗棠奏調赴運城卽著李鶴年飭令趕緊拔營馳赴該處相機堵剿該將領等到防後卽由左宗棠調遣其段廣瀛四營見駐晉溝應否渡河繼進之處著李鶴年與左宗棠會籌布置趙長齡卽當督飭陳湜激勵各營認真防剿務將此股竄匪就地殄除毋得專恃客兵置身事外再于重咎將此由六百里諭知左宗棠李鶴年趙長齡並傳諭陳湜知之○諭麟慶等奏土爾扈特盟長呈懇赴京請旨遵行一摺土爾扈特盟長布彥烏勒哲依圖自伊犁變亂後遊牧遼失奔赴烏城呈請入都詳見覽其所陳各情中途顛沛流離甚爲可憫若仍令其折回遊牧道途阻滯非所以示體恤布彥烏勒哲依圖著准其馳驛來京由內地臺站行走惟該盟長入京其土爾扈特厄魯特遊牧人眾日久無主恐其滋生事端著麟慶隨時勤加約束勿令該盟長設法安插該將軍等亦當隨時就近料理務臻妥協將此由五百里各諭令知之○免招商赴津米船稅釐○己丑諭軍機大臣等戶部奏統籌財用請嚴飭將帥迅速平賊一摺據稱用兵省分偏裨將士人品不齊往往視帶兵爲利藪所部勇丁按籍而稽十不得五幸而獲勝鋪張揚厲監磨上賞其甚者惟恐軍務速平故意縱賊以爲自利之計等語所奏切中時弊各該統兵大臣督撫等受國厚恩宜如何激發天良實心籌辦迅圖滅賊之方偏玩愒因循任令老師糜餉日久無功軍務竟無了期向心何以自安著各路統兵大臣用兵省分督撫卽將所部各營認真考覈毋任缺額虛冒口糧並嚴檄將弁同心勦匪務期就地廓清以靖地方而裕國用若仍蹈從前積習朝廷必治以應得之罪決不寬貸直隸臬匪滋擾所練六軍並未見力加勦辦並據奏稱此項固本餉需平耗於督帶月糧及委員薪水等款徒循訓練之虛文無裨勦匪之實用似此情形實堪痛恨著官文破陳情面將六軍大加整頓認真淘汰以期兵歸實用餉不虛糜該督卽迅速辦理據實具奏原摺著鈐給閱看將此各諭令知之○諭穆騰阿奏馳抵衡水賊已東竄見添隊跟追並釣魚臺等處剿賊獲勝各摺片所陳余承恩陳濟清等存心匪惡屢叩追剿各情與官文所奏情形大略相同此次賊匪由武邑阜城等處渡河東竄雖經富和等跟追並未大加懲創該匪所遺僅二百人其勢已蹙自應分路追擊以免死灰復燃著穆騰阿嚴飭派出各員弁覘賊所向迎頭截擊不得徒事尾追復滋變端德州一帶卽著飭令派出之軍認真剿辦余承恩見已調赴山西官文當懷遵

前諭另調得力將弁接替並撤飭陳清寶同穆騰阿所派各軍跟蹤剿擊不准稍有遷延貽誤戎事將此由五百里各處令知之○詔趙長齡奏秦軍擊賊獲勝見在跟蹤追剿一摺此次擒逆闖入晉疆雖經劉松山等軍追剿獲勝克復吉州而逆蹤紛竄愈僞愈東見在洪洞竄匪諒亦不能久屈勢將乘虛東竄前諭左宗棠飭令劉松山等軍由東面兜剿仍著懷遵前次諭旨撤飭各軍繞前圍截張曜本令移紮河北堵剿余承恩亦令由直入晉見在晉東遼路一帶尤須有兵扼截即著官文李鶴年迅飭張曜余承恩兩軍由臨洛縣進發宋慶程文炳兩軍著李鴻章英翰張兆棟催令兼程前進由直隸懷慶大道進剿會同劉松山郭寶昌陳湜等軍兩面夾擊以殄逆氛左宗棠亦應迅速赴晉親往調度不得稍涉遲延長齡見已出省即著扼要駐紮固不可任賊北竄亦宜杜賊東趨庶完善各邑不至處處被擾陳湜進駐趙城西面沿河一帶仍責成該司加意嚴防毋得再令匪徒闖入更形滋蔓馬德昭一軍諒已渡河儘南路情形較鬆並著左宗棠相機撤飭併赴東路兜剿以杜紛竄左宗棠趙長齡陳湜前已施恩饒子禧隨任逆氛東北紛竄不能力遏兇鋒必當重治其罪懷之憂之將此由六百里加緊諭知官文左宗棠李鴻章趙長齡李鶴年英翰並傳諭張兆棟陳湜知之○庚寅諭軍機大臣等丁寶楨奏捻逆被剿南竄查驗黃防並截剿梟匪各摺片官軍剿辦擒匪復勝情形與李鴻章前奏大略相同自當乘勝窮追一鼓作氣迅就殄除惟賊騎雖已無多大率皆百戰悍酋若不及早肅勦將來死灰復燃又有滋蔓之虞著李鴻章嚴密各路將士乘勝窮追務將此股竄匪剿除淨盡毋使一名漏網該大臣當念功虧一簣之時極力圖維肅清此巨寇與行間諸將士同膺懋賞也見在賊既南竄已有劉銘傳等軍緊蹙追剿兵力尚厚王正起等軍已由丁寶楨飭令分紮要隘即著嚴飭認真扼守儘遇賊匪回竄必當分投截剿不可稍形鬆懈黃河防務該撫布置尚安天寒水涸尤宜格外慎重即著照所擬實力舉辦不可徒託空言該撫暫駐省城旬餘以便居中調度一俟河冰解凍仍著專力督剿海口一帶四五十里不能駐隊務當責令王成謙等妥籌守備期免疏虞直隸剿匪疊經官軍擊敗見在忽東忽西紛竄無定即著嚴飭傳振邦郭大勝等勒加偵探由東南扼剿與直省官軍會合夾擊以殲窮寇將此由六百里各處令知之○督辦新疆北路軍務西安將軍庫克吉泰奏馳抵威陽安籌扼剿得旨即著督帶親軍扼紮渭濱一帶隨時與劉典等軍妥籌策應不得徒事株守致誤事機○辛卯刑部尚書齊承彦卒于紫禁城著卹○以劉廷襄為刑部尚書鄭敦謹為左都御史鄭寶壽為刑部左侍郎寶投沈桂芬禮部右侍郎○王辰龍軍機大臣等官文穆麟阿奏梟匪殄除殆盡直隸境內肅清崇厚奏梟匪被剿星散見飭提調餘匪學辦團練各摺片梟匪自晉州敗退後由景州竄至東光之安樂屯等處經官軍追捕疊有新擒該匪僅餘一二十八改

換農服由山東夏津之杜甫被渡河遁去該署督等見飭張得信等過河追剿余承恩等暫駐夏津即著官文穆騰阿案厚嚴撤派出各軍乘此聲威將夏津賊匪悉數殲除一面知會丁寶楨督飭官軍會同按剿母任一名漏網再貽後患等語等匪必有窩藏之所各該州縣地方官當迅行嚴密緝緝以絕根株僅捕擊不力致令死灰復燃將來在何處滋事即將該處地方官及營汛各員從重治罪決不寬貸天津所屬見辦團練著崇厚與官文會商飭令劉策先督同官紳認真經理徹照堅壁清野之法以衛國計此外天河屬境與順天東路南兩縣毗連之處並著飭令劉策先查明次第辦理所練六軍著官文懷遵前旨逐加淘汰去弱留強以期餉不虛糜毋得瞻徇情面虛應故事將此由五百里各諭令知之○諭張之萬奏擒逆衝過六塘河擾及鹽河以北抽隊剿辦情形一摺前據李鴻章奏擒匪在壽光海濱等屬官軍擒斬殆盡僅餘數百騎遁去何以忽有捻眾萬餘由順河集竄撲六塘河擾及鹽河北岸雖經張之萬派張從龍抽兵迎剿小有斬擒未能大挫賊鋒該逆已深入完善之地裏下河一帶地方倍形喫重更恐該匪圖竄還河回擾皖豫張之萬見調姚廣武王可陞等軍夾擊即著迅速進兵力圖堵截並著微飭黃翼升等水師駛赴眾與營莊一帶節節嚴密防守李鴻章自前次報捷後至今向無續報劉銘傳等軍已否追賊南下逃過餘匪究有若干逆酋悍目尙有幾人即著確切查明具奏並嚴飭各軍星馳赴剿務期一鼓蕩平毋使該匪稍延殘喘得遂其妻孥奔突之計丁寶楨亦當勤加偵探嚴防回竄還河交冬水淺防務尤關緊要李鴻章李鶴年英翰張兆棟等務須添派兵勇加意梭巡備任一賊一騎偷渡必將分防將弁按照軍法從事並著丁寶楨李鶴年英翰張兆棟等分派勁旅覘賊所向與淮軍合力夾擊毋稍觀望其程文炳宋慶張曜等軍著李鴻章等仍遵前旨分別飭令移防赴晉毋得藉詞逗留此次六塘河疏防地段各員著李鴻章張之萬確查從嚴參辦將此由六百里諭知李鴻章張之萬丁寶楨李鶴年英翰並傳諭張兆棟知之○癸巳諭軍機大臣等馬新貽奏接辦西防石塘大工軍需章程並繪圖呈覽一摺海南繞城石塘將次工竣見辦西防石塘大工通共約需銀四十八萬九千兩據稱所估工料價值與例定稍有加增實因物力艱難時勢不同所致自係實在情形所估銀數既經加增馬新貽當督飭屬員認真籌辦務期工堅料實爲一勞永逸之計所有勒估各工及章程六條均著照馬新貽所擬辦理該撫即實心經畫迅速開辦以重要工此項工程須添購新石十餘萬丈新省採辦斷難敷用著郭柏蔭遴委委員在於洞庭等山按照志載尺寸如式採辦五萬丈運浙濟用毋稍遲誤其石價水腳運費等項均由江蘇籌款自行報銷將此各諭令知之○諭在案奏官軍入晉剿擒獲勝情形一摺所稱克復吉州並解河津觀山之圖與趙長齡所奏略同惟見在松蘿已至洪洞縣屬以籌寶昌兩軍由平陽

遣副該大臣調書昌安住全福馬隊從天井關趨澤潞一帶相機截擊尙屬合宜卽著催令迅速前進以期迎頭攔擊轉候
橫爲太原門戶前經陳提派兵扼守趙長齡計日亦可趕到著卽督飭各軍嚴加防守毋許一匪竄越致滋蔓延宜川一帶
擒匪雖多而晉省無知兵大員督辦事無稟承恐未能迅速賊事且前調宋慶程文炳等軍由獲鹿赴晉張曜余承恩兩軍
由臨洛關進發並將陳國瑞發往該大臣軍營差遣客兵愈多必得左宗棠親往督辦方可調度合宜著仍遵前旨兼程東
征其宜川等處擒匪另派安員防剿俾得移緩就急廓清晉境再行返旆而西以紓屛念並著陳提嚴防西面沿河一帶毋
使匪眾再有攔入直隸河南各要隘疊諭官文李鶴年加意嚴防著懷遵前旨相機辦理毋稍疎懈昨據御史王道源奏條
陳晉省防剿事宜所稱進兵道途因屬詳細第兵機無定難以遙制著左宗棠趙長齡酌量調度圖敬銘如已就痊並著趙
長齡知照令赴太原省城幫辦防守事宜並將石橫關據爲布置晉省圍練有名無實丁憂候補侍讀祁世長人素謹飭著
趙長齡傳知該員會同原辦之紳士田雨公趙德載體察民情認真妥辦河保暨歸化包頭一帶著裕瑞等籌飭馬陞各軍
並新調察哈爾官兵嚴密堵禦口外各屬著趙長齡酌量派員幫同稽查襄辦防務期免疎虞王道源原摺著鈔給左宗棠
趙長齡閱看將此由六百里諭知官文左宗棠裕瑞趙長齡李鶴年並傳諭陳提知之○甲午諭內閣官文奏革員帶
兵出力並請遣撤楚勇回籍等語已革直隸總督劉長佑於革職後督勇親赴前敵將梟匪殄除殆盡尙屬出力劉長佑著
賞給三品頂戴管帶所部楚勇並楚省帶兵各員弁均回湖南本籍妥爲安置○諭軍機大臣等前據官文等奏梟匪殄除
殆盡餘匪竄至山東夏津當經諭令官文等飭令派出各軍將夏津竄匪悉數殄除茲據驍騰阿奏稱直隸派出各軍與山
東兵團將夏津竄匪殄除搜捕淨盡直隸已無賊蹤惟該匪敗逃之餘難保寬無一名漏網潛匿他所山東夏邱辛館等處
並直隸大順廣一帶素有土匪更難保無此股梟徒潛匿窩藏著官文丁寶楨嚴飭該地方文武實力查緝務期淨絕根株
不得稍涉鬆懈致令死灰復燃穆騰阿所部出力員弁准其擇尤保奏毋許冒濫所有神機營馬步官兵卽著穆騰阿管帶
回京吉林馬隊仍著圍駐直隸由官文飭令在正定一帶擇要扼紮以防晉省擒匪梟竄仍交春壽富和統帶認真整訓
練所有軍裝火藥馬匹器械並著官文妥爲經理籌備毋稍缺乏江南副都統富陞著穆騰阿卽行知照令其馳赴任所將
此由五百里各諭令知之○永定河隄工合龍○乙未諭軍機大臣等英翰奏統軍渡運變擒獲勝收降並追剿情形一摺
擒股獲劉銘傳等軍擊敗由山東南甯宿北經牛師韓徐登善等渡運迎剿將逆匪擊敗並收降投誠賊眾多名分別散遣
苗用惟散遣降眾務須妥籌安插不可漫無歸束致令散而復聚別滋事端苗用之眾亦須善爲籌取以資驅策此股殘匪

甫經皖軍擊敗並據英翰奏稱賊數無多乃復向六塘河浙軍防守地段竄渡而南該營將士之防堵疏懈已可概見實堪痛恨前據張之萬奏稱竄渡六塘河敗匪約有萬餘是否另有分股著李鴻章查明具奏准徐一帶防務此時情形喫緊李鴻章旬日以來未有續報軍情劉銘傳等軍曾否追至淮甸該大臣務當督飭諸軍分路扼截杜其竄越江皖之路並著英翰檄令牛師韓等合力截剿務期就地殄除以杜蔓延毋令垂成之功驕於一旦陝捻竄入晉疆需兵助剿甚急程文炳一軍仍著英翰飭令迅速拔營由直東一帶赴晉並著李鴻章遵奉前諭飭令張曜宋慶兩軍趕緊啟程分赴山西河北防剿毋稍遲緩將此由六百里各諭令知之○諭蘇鳳文奏擊退黔省苗匪並鎮安等處剿賊情形各一摺貴州荔波所屬之九阡下河等處苗匪竄擾粵疆闖入思恩宜山等境經遊擊吳開運等擊退復有月股苗匪竄擾遠府城經官軍鄉團擊斃多名該處賊匪雖長安鎮據險負隅重應厚集兵力痛加剿洗蘇鳳文見派刁經明帶兵前往會同何元鳳等軍進剿即著嚴飭該副將等合力圍剿迅速殄除不得任令逸出致貽後患柳慶等處團務飭令該地方官實力舉辦藉資協助柳州西北一帶接連楚境並著杏照湖南巡撫派兵嚴防以杜竄越獨山荔波一帶為苗匪出沒之區必當派兵駐紮隨時截剿道員兵德容所部既經渙散著曾璧光迅速得力將弁帶兵前往與粵軍會合夾擊毋得任令擾及鄰疆致滋延蔓並匪吳亞終一股屢經官軍擊敗其勢漸衰著蘇鳳文督飭覃遠理奮力進剿刻期殄滅毋稍延緩其謝八一股盤踞龍州窰頭等處馮子村已拔營前進著蘇鳳文知會該提督迅速進兵力圖殲蕩以靖疆圉將此由五百里各諭令知之○子廣西陣亡府經歷高士廉等祭葬世職○丙申諭軍機大臣等降調廣東巡撫蔣益澧本日已加恩以按察使候補發往左宗棠軍營差遣矣惟該員所帶湘軍前經諭令派員管帶回籍見在已否啟程儘未經回籍即著瑞麟傳知蔣益澧督飭派出各員妥速帶回楚省安插以免滋擾該臬司著即赴陝母稍延緩將此由五百里諭令知之○李鴻章奏接劉銘傳郭松林等文稱前在壽光瀋河等處痛剿一晝夜殺賊無數生擒萬餘人當將著名大小賊首數百概行聯誅餘脅分別安置送回老營陸續遣送據獲賊供稱逆首賴汝沈迫過瀋河落馬淹斃水中天已昏黑究竟未實逃出賊騎約止數百勢極窮蹙當賊敗時各鄉團出寨截殺報稱逆首偽首王范汝增偽列王徐昌先二名等情是役投殺之多實軍興以來罕有之捷賊之精銳已略盡矣敗賊由昌樂諸城日歷鎮榆日夜狂奔十二月初六日距宿遷數十里圍撲運河皖軍總兵牛師韓出隊迎擊收降千餘人總兵徐登善知府方長華亦先後收降千餘人劉銘傳督帶馬隊於初八日趕至宿遷聞賊折竄流陽遂派陳振邦率所部會同牛師韓馳往追剿皖軍程文炳亦於初八日回至宿遷馳赴海流接捕詎該逆於初七日夜突至流陽城南六塘河浙軍防所搶渡據統帶新軍連員

李鴻章奏稱是夜二更後賊眾分由興河頭張家灣淺處猛撲立即派隊堵剿該逆前隊由張家灣過河約有數百後隊立
即擊退等語准清臣張之萬函稱賊竄六塘後初八日撲過鹽河欲由板橋圖渡運河已派張從龍姚廣武各隊兜擊請調
高院駐往協剿臣已飭劉銘傳郭松林各軍兼程赴援惟該二軍連日遠道奔馳人馬飢疲未知能否趕及該逆敗殘之餘
亡命亂走清淮各軍若能就洪湖運河之交逼之使不遠竄以待追軍併至或可合力掃除再臣欽奉諭旨陝捻搶渡黃河
竄至山西吉州飭派宋慶張曜程文炳各軍分道入晉兼防河北查運東餘匪未淨張曜宋慶原防戴廟至靳口地段甚長
實無兵可調惟晉省毗連畿疆關繫緊要自應先其所急暫派提督吳雲集帶隊前往戴廟一帶接替巡防飭撥宋慶張
曜刻日兼程進發應由何路進取由河南撫臣李鶴年酌量飭遵統軍程文炳見已追賊南下臣飛檄行知並飭候安徽撫
臣英翰相機酌調 上諭捻逆經前次痛剿之後匪首殲斃不少餘黨僅餘數百騎賊勢衰落洵足以壯軍威惟捻逆竄過
六塘河鹽河圖竄運河清淮實為喫重該處尙係完善之區且西達皖疆張之萬所部單弱恐不能堵禦劉銘傳等馬步各
軍雖不免疲乏而時有可乘正宜一鼓殲殲豈可稍有遲誤致令賊勢復張著李鴻章嚴飭劉銘傳等軍迅即前進滅此朝
食以肅南顧之懷張之萬駐紮清江兵勇雖不甚多亦當妥為扼守毋得專恃援軍致誤事機張之萬前奏賊眾尚有萬餘
而李鴻章兩次所奏俱稱賊止數百何以多寡如此懸殊仍著李鴻章確切查明據實具奏張曜宋慶程文炳各軍前已疊
諭分道赴晉著李鶴年英翰仍遵前旨飭令張曜由臨洛關進剿宋慶程文炳由獲鹿進發毋許延緩張曜宋慶兩軍防剿
真捻半載以來頗知奮勉深堪嘉許著李鶴年查明擇尤獎敘以示鼓勵丁寶楨見在蒲臺逆匪離南趨不可不慮其回竄
河防極為緊要著懷遠前督妥為布置毋得稍有貽誤將此由六百里各諭令知之○丁酉諭內閣協辦大學士四川總督
蔣秉章忠誠亮直清正勤明由翰林游擢卿隨以廉介特躬仰蒙 宣宗成皇帝特達之知先後命赴山東河南等省查辦
事件旋傳授臬司擢任封疆在湖南十年練兵訓士甄拔人材東南巨寇賴以殄滅復荷 文宗顯皇帝知遇 特加頭品
頂帶以示寵眷嗣 命督辦四川軍務朕御極以後即擢授四川總督統軍入蜀賞罰嚴明所向克捷滇粵各逆悉數殲除
並趨境攻克甘肅貴州各州縣因后逆被擒川境肅清論功行賞晉加太子太保銜旋以江甯克復東南掃蕩余其昔年在
湖南任內調拔將帥克振軍威忠盡厥孚勤勞夙著復賞戴眼花翎賞加一等輕車都尉世職本年夏間備任給厚老成
顧望方冀克享遐齡長資倚畀昨因舊恙復發實堪憐理遽聞遠逝披覽遺章良深震悼略舉著追贈太子太傅卹贈大
學士例賜卹任內一切處分悉予開復應得卹典該衙門察例具奏並加恩予諡入祀京師賢良祠並於西川湖南兩省建

立專祠其生平政蹟事實著即宣付史館伊子略天保著賞給郎中服闋後分部行走略天詒著賞給舉人服闋後准其一體會試伊孫略懋湘略懋勤略懋仁略懋勳均著交部帶領引見伊姪孫候選縣丞駱肇銓著以知縣分發省分即補其靈柩同籍著沿途地方官妥爲照料用副篤念盡臣至意尋子祭葬諡文忠○諭軍機大臣等丁寶楨奏梟匪復竄東境官軍追剿殲除殆盡一摺梟匪由吳橋闖入德州恩縣一帶經官軍追剿疊有新擒殘匪由夏津竄逸與官文等前奏大略相同前據官文等奏該匪全股竄東由夏津竄逸與官文等前奏大略相同方渡河遁去境內肅清是直省已無匪蹤即著丁寶楨督飭兵勇及該地方官分路接捕務絕根株並知會官文檄飭地方官於直東毗境會同嚴緝總期殲除淨盡毋任餘匪逃匿又致死灰復然擒逆見在邳宿恐將回擾西路著丁寶楨嚴檄官軍迎頭截擊以剿爲防會同李鴻章各營迅圖掃蕩爲一鼓殲殲之計毋任再行回竄東境將此由六百里諭令知之○諭趙長齡奏擒逆南竄飭兵堵剿李鶴年奏擒匪近濟源調軍剿辦各摺片覽奏曷勝憤懣此次擒逆竄晉屢被官軍擊敗復由曲沃南竄垣曲趙長齡自當相機南行方合機宜乃旬日之間僅由徐溝進駐平遙惟怯無能不知調度至於如此實堪痛恨左宗棠著仍遵前旨兼程赴晉扼要堵剿並催安任等馬隊剋日迎擊昨諭瑞麟飭令蔣益澧前赴該大臣軍營差遣到營後著即分撥兵勇協同剿賊懷衛一帶爲豫省精華所萃斷不可任賊蹂躪著李鶴年飭令參將田慶和等軍奮力迎剿並著李鴻章迅飭張曜由東阿渡河取道大名內黃馳赴懷慶一帶相機截擊前諭李鴻章等令宋慶程文炳兩軍由獲鹿赴晉見在擒逆趨重南路情形稍異著該大臣飭令宋慶等軍迎賊所向相機進剿不可稍涉拘泥致誤戎機河北賊連營補防尤關緊要著官文嚴飭防軍認真堵剿總兵劉景芳本有革職之案儘能力贖前愆不使一騎竄越直境自當量予恩施如仍前玩泄即著從嚴參辦毋稍姑息富和春壽所帶馬隊前令暫駐正定見在匪擾河北著進紮大順廣一帶以杜紛竄趙長齡既貽誤於前若再任賊北竄則其罪尤不可追著即振刷精神妥爲防剿西路河保鄉各屬仍舊陳澍暨新調之王巨季各軍填紮嚴防以免續有竄越將此由六百里加緊各諭令知之○調吳棠爲四川總督未到任前以成都將軍崇實兼署以馬新貽爲閩浙總督未到任前以福州將軍英桂兼署調李翰章爲浙江巡撫以丁日昌爲江蘇巡撫並補授○命署江蘇巡撫郭柏藹赴湖北巡撫任○戊戌張之萬奏捻股衝過六塘河後盤踞鹽河南岸村莊欲由三廂竄過運河回擾皖豫與西捻接應愚合股○當調總兵沈廣武等各帶所部由六塘河向西南節節鈔擊以順運河三廂各要隘並飭總兵張從龍抽帶馬步各隊暗襲賊營十二月初九日五更時張從龍潛抵鹽河老壩地方該逆正盤踞各村雷

卽督勇撲入砍斃悍賊二三百名生擒百餘名餘匪四竄是日辰刻姚廣武及參將王文行等亦先後趕到並據王文行稟稱初八日行至漁溝以北適與賊遇擊斃馬賊百餘名將在村焚掠之賊搜殺淨盡等語卽飛催姚廣武等向東南一帶緊追山西藩司劉秉璋亦派總兵者貴等督帶馬隊前來助剿提督黃翼升員外郎李昭慶親督水陸各軍相機前進初九日酉刻姚廣武臨賊於淮東后塘車橋一帶揮軍兜剿殺斃千餘名收撫五六百名當有賴汶洗股內賊目黃三率二百餘人棄械之降姚廣武卽派弁押送降賊赴淮親督勇隊連夜追剿時已二更該逆欲由淮安以下平橋地方搶渡運河姚廣武商副參將王得勝尾賊南趨自率所部及王文行等由淮安西門過河循隄堵截姚廣武行至平橋對岸果見該逆槍渡我軍排列洋槍輪流轟擊斃賊極多厥船適亦趕至開隊堵禦該逆捨命狂奔者貴等亦追至淮東張橋截斃悍賊多名收撫者亦復不少該逆由運東長隄向南奔竄王得勝暨者貴等緊蹙跟追姚廣武等渡過運東會合李昭慶所部分起追剿沿途截殺匪黨不可勝計該逆晝夜竄竄初十日午刻過賈應亥刻過高郵十一日早聞參將王得勝追及於邵伯鎮擒斬甚夥該逆卽由仙女鎮直竄揚州灣頭地方道員吳毓蘭本在該處駐紮督勇迎頭截剿王得勝等在後緊追當將逆首僞進王賴汶洗卽時擒獲大小賊目檢斬無遺餘匪搜殺殆盡其六塘河以北未經竄渡之賊經遊擊蕭肅誠於十二月初七八等日督勇兜剿斃賊數百名擒斬賊目張得桂等二十三名餘黨經沿途州縣及圩練等隨時截殺毫無漏網淮揚徐海一律肅清臣查逆首賴汶洗始爲髮匪同治二年間與捻匪任柱張總憑合股逆叛復張實爲東蘇等省心腹之患本年十月間銘鼎各軍殲擒之捷擒首任柱伏誅賴逆等回竄東境追被擊於壽光全股潰敗復敢鉅險南來衝過六塘河意圖窺運幾於防不勝防幸各軍窮日夜之力截擊跟追仰仗天威渠魁就擒著名首要各匪殲除殆盡實足大快人心該將士等迅速赴功勤勞卓著合無仰懇聖恩准從優保獎以勵戎行上諭內閣張之萬奏官軍追剿擒逆疊獲大勝生擒首逆一摺逆首賴汶洗前隨粵逆擾亂東南各省十餘年復糾合捻逆竄擾陝鄂豫東江皖各省疊肆猖獗此次經官軍殲生擒著張之萬卽行提訊明確就地盡法處治以申國威而快人心所有此次出力將弁兵勇紳團均著李鴻章量之獎勵明舉九保獎以示鼓勵○諭軍機大臣等本日張之萬馳奏追剿擒逆大勝生擒首逆餘匪殲除殆盡一摺覽奏身勝欣慰著照所請六塘河時廣深入江境或同糧院豫又致慶延經官軍奮力追剿將賴汶洗擒獲並將匪黨殲除殆盡逆首賴汶洗前據李鴻章奏請在山東關河被剿窮迫招馬援授水係屬獲賊所供續據該大臣奏稱該逆首降獲水中天已昏黑究實未實此次生擒該逆卽著張之萬提訊明確就地盡法處治此外尙恐有敗散餘匪分逃潛匿著李鴻章量之獎勵行軍

兵分路接捕不可稍涉大意致令餘灰復燃又成滋蔓難圖之勢晉省捻匪已竄濟源河北一帶勢甚喫緊著李鴻章仍遵昨日諭旨迅飭程文炳等軍兼程北上飭令相機迎剿毋稍延緩將此由六百里各諭令知之○調鎮秀爲江蘇布政使以盧定勳爲直隸布政使文彬爲山東按察使

出刻折舊

○

已多論軍機大臣等英翰奏皖軍續行戰勝會合各軍窮追並賊

竄運西畱黃秉鈞帶隊各摺片牛師韓等於初七日帶兵由宿遷一帶東追敗匪連次戰勝斬殺甚多並收降賊三千餘騎方長華一軍亦於初五日在邳城截擊獲勝收降初八日馳抵宿遷會合牛師韓陳振邦等軍合力追剿昨據張之萬就奏捻股南趨淮揚兩郡所屬各地方經清淮等軍與淮營將士追截疊勝並於初十日經道員吳毓蘭等在揚州溝頭地方將逆首賴汶洗擒獲大小賊目全斬無遺其圖竄運西之賊亦經姚廣武於初八日夜間在平橋對岸轟擊堵禦未容搶渡此次英翰所稱餘匪於初十日由平橋搶渡運河向西南奔竄是否另股匪徒搶渡運西人數究有若干著李鴻章張之萬英翰查明具奏並著督飭追剿各軍緊蹙匪蹤並設法迎頭截擊毋任稍行喘息毋貽蔣瑞一帶並著英翰迅調皖軍扼擊母任賊匪搶過三河逸出平原又成蔓延不了之局記名提督黃秉鈞帶隊素稱得力見丁父憂著暫行賞假一月俟滿假後仍令赴營帶隊牛師韓等所收降眾見匪軍營者務當妥爲駕馭遣散餘黨亦當妥籌安插不可稍涉大意另摺奏見飭程文炳赴援晉省通籌全局一摺並請飭官文嚴催等語晉省捻匪見已竄至濟源河北一帶情形喫重著英翰速飭程文炳啟程前進徑赴直隸或先赴河北彰衛懷等處迎剿著英翰飭令該統將沿途探訪相機辦理不可拘泥此軍行近直隸即著聽候官文調遣並著官文飛速催提北上母任延緩搶逆既竄濟源直境相距不遠官文官否派兵嚴堵余承恩一軍官否由直赴曹何以未見奏報著該署督將大順廣一帶迅籌布置毋稍大意並飭余承恩速帶所部迎頭截剿是爲至要將此由六百里諭令知之○庚子以郭柏蔭署湖廣總督何璟仍護湖北巡撫○建江甯府事官紳昭忠祠並婦女貞烈祠○辛丑 上諭

慈安皇太后

慈禧皇太后宮賀捷○李鴻章奏徐建寬過六塘河時臣即飭駐守桃源運河之道員李昭慶等會同水師提

督黃翼升就近馳往兜剿並函屬劉銘傳郭松林楊鼎勳督隊追擊六塘北岸餘賊仍分馬隊赴清淮協剿十二月初九日太塘北岸餘賊竄丁家嘴朱林渡一帶總兵王有明等挑隊過河迎擊該逆驚潰我軍追至包家河頭賊竄無路環乞降計追撫一千數百人西師難髮暫行安置其過河之賊竄至淮安經清軍城廣武擒獲數百人劉秉璋所部馬隊追及山寶交界獲

橋地方又擒獲數百人僅餘三四百人向寶應高郵一路竄去李昭慶連夜緊追劉秉璋添隊親督繼進黃翼升亦抽調礮船會同追剿又劉銘傳派陳振邦帶領隊會同皖軍程文炳牛師韓追往流湯初九日途遇賊首任根住等百餘名乞降運軍

六塘河以北已無餘匪劉銘傳等督隊由清淮追去十一日賊由邵伯欲往揚州爲六塘橫河急瀾所阻折趨仙女廟竄向泰州泰河一帶黃翼升賊船已進泰河劉秉璋馬隊亦可追及旋據派防揚州之統帶華宇營淮勇即選道吳毓蘭稟稱十一日戊刻賊軍突至灣頭立即出隊迎擊獲勝星夜派兵四路趕追該道督同遊擊楊宏勝等由運河東岸向前追殺遇賊於瓦窯雨夜昏黑逆騎數百猝死拒戰五更時該逆縱火燒屋志在逃逸我軍冒雨直前砍殺吳毓蘭於火光中望見一騎馬老賊手執黃旗指揮知是逆首連放數槍賊馬槍斃當將該逆生擒餘逆紛紛投河淹斃並擒賊眾三十餘名東路一股剿滅無遺訊據賊眾指認生擒者實係逆首偽總王賴汶沈該逆亦自認不諱副將吳育仁等由運西沿河追殺三更時遇賊於槐子橋馬賊正在放火我軍槍礮疊施殺賊百餘名生擒二十餘名餘逆向西南奔竄淮揚水師齊來兜剿西路餘匪亦殄滅無遺所有著名捻酋皆在擒獲之內見仍四路搜追黃翼升劉秉璋李昭慶均督隊追趕接應等語查稟擒兩逆糾合而成約有數股倡亂已十數載上年冬開始分爲二竄陝西僞小開王張總愚係張落刑之姪一竄山東僞魯王任柱等係索毫捻首僞總王賴汶沈係粵逆餘黨任柱馬步賊爲最善戰賴汶沈爲最善謀兩逆狼狽相依固結不解自親王僧格林沁督兵苦戰數年賊漸窮蹙死黨已不踰萬四年四月僧親王殉節曹南匪勢驟張擄脅愈眾自維才力不逮遵旨隨時咨商曾國藩以資裨益並與皖豫酒鄂各疆通力合作幸本年十月以來各軍次進剿已得機勢十一月間劉銘傳唐仁廉等在濰縣壽光鈔擊一晝夜賊眾心忪投降降逆多郭松林楊鼎勛潘鼎新繼之無戰不捷至二十九日壽光瀾河之役劉銘傳郭松林楊鼎勛等斬獲幾三萬人賊之精銳器械馬輜重拋盡盡軍興以來罕有之事敗賊到宿遷後沿運乞降遠近軍民共知其窮蹙已極乃悍首賴汶沈前在瀾河落水未斃復糾同逆黨千餘騎衝出六塘河防經潘張之萬調隊兜追黃翼升劉秉璋李昭慶水陸進剿祇獲數百騎備入高寶水鄉與曾國藩先派有華字營在揚州運河扼守諸軍戮力前截後追竟能殲除全股肅清五省此皆仰賴聖主德威遠播廷賞化於內疆合謀於外數省將士竭力用命艱險備嘗故收功如是之速與弟李昭慶受恩極優無可報稱不敢再邀獎敘所有軍諸將剿擒三年論功以直隸提督劉銘傳爲第一福建提督郭松林杭州副都統善慶提督陳振邦湖南提督楊鼎勛次之長江水師提督黃翼升山東布政使潘鼎新山西布政使劉秉璋涼州鎮總兵周盛波又次之謹先開列各員伏懇恩施此次生擒逆首賴汶沈之候選道吳毓蘭應請特恩優獎其餘出力將弁兵勇及籌餉轉運著有勞績人員容查明覈實分案列保又奏思目前緊要之事須次第籌辦者實有數端東捻人數本眾仰體皇上好生之仁勸撫兼施自十月間任選伏誅即示諭賊中

准令投誠免死嗣是我軍每次戰勝紛紛乞降自濟甯下至六塘河降眾與兵勇間難隨隊協剿者亦尚不少亟須清理安插其有田里可歸應分別資遣遞解回籍若無業游惰而又精悍能戰者暫留營伍嚴爲約束漸化其桀驁之氣再謀分遣此安插降眾應急辦而難遽就緒之實情也東南及中原數省用兵年久物力凋瘵民氣浮游募勇會匪到處糾劫尙須藉軍威以鎮懾臣部營數過多需餉甚鉅數年以來竭兩江之財力供億此軍羅掘淨盡而各營每年必欠放三箇月積逋如山曾國藩與籌餉司道屢請裁軍節餉臣以運防游擊多一營得一營之助未敢遽議今東捻既平必應陸續裁撤每裁一營應酌補欠餉若干糧臺並無存項須與督撫臣設法籌商未知能有鉅款否此等慣戰弁勇在營食餉尙可守法一經遣散其無業可歸者最易滋事以餉需時勢衡之皆須逐漸辦理此裁撤營勇應急辦而難遽就緒之實情也臣軍各統領營官從征年久東南肅清後即求假歸比因中原多故未便遽允旋調勦捻應逐數省轉戰終年臣去冬至徐州晤劉銘傳詳稱疲憊已甚欲速了此賊以求開缺歸農今春周盛波劉秉璋潘鼎新皆疊請開缺出於至誠臣以此捻未滅義無可辭郭松林八月來營卽約以賊平歸養楊鼎勳體弱多病更難久支今倖獲成功將士勞苦已極似應准其有餘仍備異日馳驅臣自咸豐三年從軍今已十五年無歲不親戎馬勞苦焦思時懼限越雖年未五十精力已不如前實難久畀重任俟裁遣稍有端緒應懇恩准將欽差大臣關防專員齊京呈繳至諸將請假當酌量准行或所部裁撤後酌飭赴任如堅請開缺果其情事不可強留當再據實奏懇上諭內閣據李鴻章馳奏派軍南追生擒賴汶洗餘逆勦滅淨盡紅旗夕至慶幸良深揆逆偽魯王任柱偽遵王賴汶洗糾眾肆擾流毒中原極惡窮兇神人共憤經朝廷特授李鴻章爲欽差大臣督師進剿廣設方略將士同心捷書屢奏旋旄任逆賊勢衰落率黨南奔復經劉銘傳等軍晝夜窮追未及旬日賴逆生擒其餘逆酋偽眾悉數殲除海足以彰天討從此江南安徽山東湖北等省生民得以安業自宜特沛恩施以酬勞動湖廣總督一等肅毅伯李鴻章調度有方膚功克奏加恩著賞加一騎都尉世職直隸提督劉銘傳加恩著賞加三等輕車都尉世職福建提督郭松林湖南提督楊鼎勳副都統善慶加恩均著賞給騎都尉世職山東布政使潘鼎新著賞給頭品頂戴江南提督黃翼升山西布政使劉秉璋均著賞給白玉翎管各一箇大荷包各一對小荷包各一對火鑲各一箇白玉柄小刀各一柄○諭本日據李鴻章馳奏勦除捻逆淨盡生擒首逆已明降諭旨將李鴻章等分別給予世職並升擢有差以昭體實因思此股捻逆擾亂江南安徽山東湖北河南等省各屬臣公忠體國共濟時艱或督兵出境調度合宜或轉餉籌糧軍行無缺海關同心協力一體有功尤宜特加異數用著恩施大學士兩江總督一等毅勇侯曾國藩加恩著賞加賞一雲騎尉世職安